

23 APR 2014



FITJAR

Hordaland fylkeskommune
Samferdselsavdelinga
Postboks 7900

5020 BERGEN

Dykkar ref:
2014/278-2

Vår ref:
2014/140-2625/2014

Sakshandsamar:
Andreas Moe Larsen

Arkivkode:
N02

Dato:
09.04.2014

Høyring - kollektivstrategi for Hordaland

Hordaland fylkeskommune sendte, i brev dagsett 05.02.14, kollektivstrategi for Hordaland på høyring til mellom andre kommunane i fylket.

Fitjar formannskap vedtok i møte 08.04.14 å senda følgjande uttale til Hordaland fylkeskommune:

Fitjar kommune meiner at Kollektivstrategi for Hordaland er eit godt utgangspunkt for det vidare arbeidet med å utvikla kollektivtilbodet i fylket. Kommunen meiner likevel at høyringsutkastet i for liten grad tek opp i seg utfordringane utanfor Bergensregionen.

Fitjar kommune meiner det er riktig å leggje vekt på hovudlinene mellom regionsentra og Bergen. Samstundes vil denne strategien berre lukkast om kollektivtransport blir eit reelt alternativ for innbyggjarane òg i distrikta. Det vil difor vera viktig å leggja til rette for ei teneste som er enkel og attraktiv å nytta, i konkurransen med privatbilen. Lokalrutene er eit viktig tilbod for mange grupper i distrikta, som ikkje har tilgang på eigen bil.

Sterkare konkurranse om arbeidskraft og nytt busettingsmønster gjer at mange bur langt vekke, ofte i andre kommunar, enn der dei har arbeidsstad. Hyppige lokalruter sikrar tilgang på kvalifisert arbeidskraft og styrkar busetnad og næringsliv i regionane. Skyss bør ha som overordna målsetnad at kollektivtilbodet skal støtta folkesetnaden og styrka næringsutviklinga i heile fylket.

Sunnhordland er ein region med eit sterkt næringsliv og ein folkesetnad i vekst. Som del av ein kollektivstrategi for Hordaland meiner Fitjar kommune at det bør lagast ein eigen kollektivplan for Sunnhordland.

For at kollektivtransport skal bli eit attraktivt alternativ til privatbilisme, må Skyss gje dei reisande eit tilbod som er enkelt og komfortabelt å nytta. Det bør difor leggjast vekt på følgjande tiltak:

- Betre samankopling mellom offentlege og private tilbod på hovudlinene.
- Enkel overføring av passasjerar frå regionbussruter til Bybanen.
- Felles takstsone for Sunnhordland

Rådmannen

Fitjar kommune

Postboks 83, 5418 FITJAR
Telefon: 53 45 85 00
Faks: 53 45 85 01

Direktel. og e-post: 53458511
anla@fitjar.kommune.no

- E-løysingar for kjøp av billetter og verdi- og periodekort i heile fylket.
- Plan for oppgradering av haldeplassar, og god informasjon på haldeplassane.
- Eit sterkare tilbod av lokalruter i distrikta

Med helsing
Fitjar kommune



Andreas Moe Larsen
assisterande rådmann